



嘯亭續錄卷二

目錄

明史稿

曉屏相公

圖文襄公厚德

劉全母

鐵冷亭尙書

王閻峰侍郎

彭氏科目之盛

嘯亭續錄

卷二

目錄

鮑雙五侍郎

福文襄王夫人

蔡高山相公

古史筆多緣飾

詩文澀體

明相國

春明二公論戰

目 譎諫

流俗之言



置歲不用閏法

牧菴相國

李賡芸之死

阿爾裨畫

國朝別裁集

畫晦

孫文正取四城

濬忠王致史閣部書

洛翰

嘯亭續錄

卷二目錄

侍衛結銜之誤

魏柏邨相公

乾隆初年督撫

元初人物之盛

李御史

滿洲跳神儀合於禘祭

白鳴鐘

史書氏族

轉菴和尚開書

王奮威

佛言須彌山

和相後裔

名臣論識

以羊運糧

內務府大員

董太傅

元代稗史

三元

嘯亭續錄

卷二

目錄

蘇麻喇姑

完立媽媽

賽諸葛

吳堡破賊事

呂南溪

陸侍御

泮菴破回逆事

博爾奔察

太廟後殿

鮑雙五選王李詩

王荆公

宋人戰績

蘇叔黨論田布

明世宗用人

姚中丞

商太醫

王文僖

古今史闕

嘯亭續錄

卷二 目錄

吳穀人

王楊甫

宋人多用本朝故事

耶律文正王兄

史不可盡信

呂聖功

唐宋國初詩人

玉亭相國

脫脫像

宗室積習

張茂修

恭勤懋

邱元清

副天保

瘟疫

兵部失印事

羅中丞

明文襄

嘯亭續錄

卷二 目錄

陝西冤案

宗人府土地祠

湯敦甫

元二臣

周簞鏗

曹進喜

十六國春秋

道光初年大吏

姚公子

吳雅中丞

王儕嶠

起義助蜀漢

春秋後事跡多失載

記孫延齡事

京師王公府第

莫寶齋

明末風俗

齊次風

嘯亭續錄

卷二 目錄

先母如遺訓

程知節拜帖

和孝公主

定恭王

慶僖王

泰定登極詔旨

元史失實

汪如淵

倭什布

葉文忠

蔣將軍

富將軍

黎襄勤

賽因培

李元亮

後漢書

宋金大臣見識優劣

整屋之戰

陸亭續錄

卷二目錄

孟珙

鄂中丞

伊中丞

遼代民書之制

崔浩

汪瑟菴

文遠舉

史策互異

戴文端

嘯亭續錄卷二

汲修主人著

明史稿

向聞王樞雲明史稿筆法精善有勝於館臣改錄者近日讀之其大端與明史無甚出入其不及史館定者有數端焉惠宗遜國事本在疑似之間王本力斷爲無凡涉遜國事皆刪削不及史臣留程濟一傳以存疑也永樂以藩臣奪國今古大變王本於燕多恕辭是以成敗論人殊非直筆然則吳濞劉安輩亦足發耶不及史臣厚責之爲愈至

嘯亭續錄

卷二

明史稿

於李廷機與沈灌沈一貫畢自嚴與陳新甲同傳未免疊臬並棲殊無分晰不如史臣之分傳也周溫二相爲戕削國脉之人乃不入奸臣傳而以顧謙謙齟齬輩當之亦未及史臣本其他謬戾處不可勝紀史臣皆爲改正蓋首創者雖工繼述者益善也惟三王本紀較史本爲詳然其事迹今已見

欽定通鑑輯覽亦無庸贅敘至於奏牘多於辭令奇蹟罕於庸行則二史病處相同殊有愧於龍門惟視宋元二史爲差

勝耳

曉屏相公

鄒曉屏參政

炳泰

無錫人登科後不登權要之門徜徉詞

館者三十年以資深得躋卿貳好古書畫收藏甚富嘗得

化度碑宋搨本至質衾裯易歸曾告余曰他人以如山金

帛易贖物滿架不及余數金之真也立朝不苟游至冢宰

與胡合巷

圖理

爭兵部銓選事直言侃侃胡莫能奪卒以

見謫余當日遇公於九松山古寺中公歷言胡變法故曰

吾年已及衰尚戀戀此位何為當以去就爭之不可使

朝廷之法自我壞也余欽其言以為有古大臣風

嘯亭續錄

卷二

曉屏相公

圖文襄公厚德

二

上亦重其品誕日

賜內府梨園部曲以榮之聞法時帆言公所著午風堂叢談皆

載近日士大夫嘉言懿行頗為富溢近所刊本皆割裂故

書為之實無足取公善吟詩體裁正宗頗有隨州青邱遺

趣實近日公卿所罕也

圖文襄公厚德

幼時聞先外祖母舒太夫人言圖文襄公

太夫人為公曾孫女掌刑

曹時與姚端恪公同定律例將明代酷法盡皆刪除奏釋

死囚長柳匣牀以免獄卒凌虐又燬明代鎮撫司酷刑如

呂公綵紅繡鞋諸虐具以免後人效法當時翕然頌德至
今馬姚二氏簪纓不替有所由來汝小子其勗諸今余以
重刑致愆真有愧先外祖母慈訓也

劉全母

和相家雙劉全幼時爲人執鞭家甚貧冬月著單衫襖囊
有聲和相攬權時甚爲倚任屋宇深邃至百餘間曾爲曹
劍亭所彈劾士大夫不肖者爭與之結媼眷其母甚賢全
富時其母必日索腐或下發曰昔日思此而不易得今雖
豪富敢忘舊日景况耶故全受稟母教罔敢干犯國法子
壘亭續錄

卷二

劉全母
壘亭傳

鐵冶亭尙書

玉閣 三

終

鐵冶亭尙書

余束髮與冶亭尙書交已廿餘年喜其詩才俊逸議論今
古是非侃侃然有古大臣風範後聞其歷任督撫乃以傲
戾稱嘗選八旗諸耆舊詩數十卷任齊撫時進呈

上御製序以寵之

賜名曰熙朝雅頌集頒行天下

玉閣峯侍郎

冷亭弟聞峯司馬玉保詩才敏捷過於兒品高雅不趨聲

聞

純廟惡入旗詞林學問夤

侍親試之擢公兄弟二人眾比以軾轍郊祁云

彭氏科目之盛

余素惡扶乩事以為假鬼神以惑眾也然姑蘇彭氏素設

文昌神乩壇南明先生以孝友稱其孫大司馬公復中元

魁祖孫狀元世所希見司馬之子紹觀紹升紹成孫希鄭

希洛希會曾孫蘊輝皆成進士今司寇公希灑復登九列

嘯亭續錄卷二彭氏科目之盛鮑雙五侍郎四

科目之盛為當代冠豈真獲梓潼之佑乎抑別有所致之

也

鮑雙五侍郎

鮑雙五侍郎桂星以言失職性伉爽未第時為涑水方氏

主計出入百萬計無遺筭方氏賴之以富為中州學政督

課士子最勤五更即朝服坐堂校閱文字以河南士風夤

陋故命題多以典故考詰誘士子勉於學問其敘中州試

牘有云士子夤陋不已必至有懷挾代倩之弊而國法墮

之矣語雖激烈亦見其苦心也癸酉秋任湖北學政聞林

蘇頌疏
蘇頌疏

清亂慷慨就道數日急驅至京時滑縣道梗公主僕數人
直摩賊壘而過曰吾旣以身許

國豈可畏禍紆行以干名義耶途中上疏調劑兵食語多裨

益

上嘉納之

福文襄王夫人

福文襄王夫人姓阿顏魯羅氏性爽伉遇事多決斷配文
襄王廿餘年封疆案牘嘗爲佐理安南國王阮光平旣歸
降

嘯亭續錄

卷二

福文襄王夫人

蔡葛山相公

五

純廟欲其來朝以貰其罪而阮畏

天朝法不敢親至文襄王憂之夫人曰此相公禍福關頭使光
平不親至何以歸報

君命文襄因呼使臣吳俊入署商推吳故善辭令馳入安南力
說光平入覲

純廟大悅頗優養之以歸夫人之力也王薨後夫人持家數十年

閩門整肅人咸稱之

蔡葛山相公

蔡文恭公新文勤公世遠焯也文勤爲

純廟藩邸師傅故

上待公尤厚公性端慤世崇理學爲安溪正脈雖以過屢遭嚴旨敬禮猶如故爲

上書房總師傅三十餘年

諸皇子皆敬憚之乙巳春

子告歸里

諸皇子賦詩送行時人比之疏傅余幼時聞先恭王言嘗自灤陽返遇公於途公立降輿先王止之公曰某非爲王降輿也乃正襟北面恭請

肅亭續錄

卷二

古史筆多緣飾

六

聖安 畢然後相見其大節不苟如此年九十餘薨於家

古史筆多緣飾

余素怪前代正人君子指不勝屈近時人材寥寥何古今之不相及若此嘗與畢野筠孝廉談及子筠曰君泥諸史冊故視古今異宜不知

本朝人才之盛爲前代所不及

先朝無論已即以目下人才論如王文端之持正朱文正之博雅

松相公之理學岳少保

起

蔣礪堂

攸錫

之廉素戴文端百

菊溪之敏達慶丹年相公董太保之謙和額經略德將軍

之戰功楊軍門遇春之宣勞西北王提督得祿之揚譽東

南李壯烈長庚穆忠果克登布之忠節強忠烈克捷李太

守毓昌之死事汪懋菴廷珍吳山尊鳳鮑雙五桂星之文

學擬之前代有過之無不及者使史筆有所潤飾皆一代

名臣也余竊其言

詩文澀體

宋子京詩文瑰麗與兄頴頑其新唐書好用僻字澀句以

矜其博使人讀之胸臆間格格不爽近日朱笥河學士詩

文亦然余嘗謂法時帆祭酒云讀新唐書及朱笥河集如

嘯亭續錄

卷二

詩文之澀

服飾沿革

人害噎膈症實難舒暢也法公為之大笑

服飾沿革

國初尚沿明制套鞋有用紅綠組繡者先良親王有月白繡

花鞋先恭王少時猶及見之今吉服用紺素服用青無他

色矣康熙朝花樣有富貴不斷江山萬代歷元五福諸名

目又有暗紋蟒服如宮制蟒袍而卻組繡者余少時猶服

之袍鞋皆用密綫縫紉行列如繪謂之實行神閭皆用縵

摺如綫滿名赫赫今惟蟒袍尚用之他服則無矣又燕

居無著行衣者自傅文忠公征金川歸喜其便捷名得勝

社今無論男女燕服皆著之矣色料初尙天藍乾隆中尙玫瑰紫末年福文襄王好著深絳色人爭效之謂之福色近年尙泥金色又尙淺灰色夏日紗服皆尙棕色無貴賤皆服之襯服初尙白色近日尙玉色又有油綠色

國初皆衣之尙沿前代綠袍之義

純廟惡其黠然近青色禁之近世無知者矣近日優伶輩皆用青

色倭緞漳絨等緣衣邊間如古深衣然以爲美飾奴隸輩皆以紅白鹿革爲背子士大夫尙無服者余少時見士大夫燕居皆冠便帽其製如暖帽而窄其簷上用紅片錦或

嘯亭續錄

卷二

服飾沿革

八

石青色緣以臥雲如葵花式頂用紅絨結頂後垂紅纓尺餘無老少貴賤皆冠之惟老翁夏日畏早涼用青緞縫紉觀涼帽下如今帽頭狀初不以爲燕服也至於氈帽尙沿明式皆農夫市販之服人皆賤之近十餘年盛行帽頭蟠金綫組繡其上至有用明珠寶石嵌者如古弁製惟頂用紅絨結頂稍異耳士大夫皆冠之春秋間徜徉市衢欲求一紅纓綴冠者未易見至氈帽則以細氈爲之簷用紫黑色或有綴金綫蟠龍爲飾者非復往日樸素爲士大夫冬日之燕服往日便帽之製不復覩矣

明相國

丁丑夏松相以久旱策免拜明參政亮爲首揆公於乾隆丙子丁丑卽從征西域久擁旌節董太保居政府廿餘年視公猶後進年己大耄乃登臺席自渭濱釣璜之後實爲再見信昇平人瑞也

按宋喬行簡亦八十餘始入政府不久卽免

明春二公論戰

人臣死綏古今通誼然必有濟於國始爲可貴若如趙括邯福之徒非不輿尸殉死不爲世所重也聞明相公言不果木之戰海超勇公實預其事甫交綏海公卽大呼曰軍

嘯亭續錄

卷二

明相國檢討題詞

明春二公論戰

朱

九

氣頹敗潰師之兆吾馬首欲東諸君努力衝圍悉會師於美諾可也因驟馬歸故身不預難後卒以滅敵春將軍雷亦代擁旌者言對敵如角觝然稍覺勢異卽放手再與之撲不然必顛仆矣自古如邲鄢之役九節度之敗皆師老之故二公皆久經軍旅其置論乃如是此與楊存中舍淮守江之論相似非親身經歷者必以其言爲懦矣

朱檢討題詞

朱檢討

天保

諫立東宮事余己載之近於崇效寺觀拙菴

和尚紅杏圖小照康熙中詞林如王漁洋朱竹垞輩率皆

題詠公題七絕一首詩亦雋逸可喜乃知其別字鶴田因
匆閱未錄其詩心殊悵惘也

謫諫之言

聖祖既廢理邸揆敘王鴻緒輩恐其復立造諸蜚語以聞

仁廟怒欲置王重典衆莫敢諫領侍衛內大臣婁公德納

仁廟近侍也年已耄善解人主意時

上自暢春園還宮欲明頒

詔旨公先日燕見曰聞護軍統領某得暴疾肉盡消瘦已骨立矣

某公素以體胖著者次早

噓亭續錄

卷二

謫諫

流俗之言

十

上入宮某統領佩刀侍

神武門豐偉如故

上詰公公笑曰可知人言未可信也體之豐瘠乃現於外者尙訛

傳至此况暗昧事哉

上首肯其言立罷

宣詔

流俗之言

避暑錄語載宋時流俗言甚喜而不可致者云如獲燕王
頭蓋當時以取燕爲急務也雍正中與準夷搆兵里巷鄙

自矜伐者必曰汝捨得策王至耶何誇張若此蓋謂策旺阿拉布坦也余少時猶聞老嫗言之

置歲不用閏法

宋沈括夢溪筆談載置歲法言每歲以十二氣為一年更不用十二月直以立春為孟春之一日驚蟄為仲春之一日歲歲齊盡永無閏餘則四時之氣常正歲政不相凌奪日月五辰亦自從之如此則算術豈不簡易端平上符天運無補綴之勞云按泰西之法本以日紀歲初無置閏法入中國後始增置閏之條括當時聲教不通乃其論與西曆亭續錄卷二置歲不用閏法 牧菴相國 出法暗合亦精於算律矣

牧菴相國

牧菴相公 長麟

景祖翼皇帝裔也乙未進士以部曹游至督撫性廉明任吳撫掄獲強暴禁止奢侈嘗私行市井間訪察民隱每就食於麪館吳人傳為美談撫晉時和相覬覦上公爵市人董二誣告逆匪王倫潛匿晉省某家和相因公

陛見至京握手

宮門柳下囑託再三曰無論其真偽務坐為逆黨吾與公皆

得

上賞矣公至晉訪之無實據某實董仇家故欲傾陷公慨然曰
吾髮垂白奈何滅人九族以媚權相因坐董二以誣告大
忤和相意後因閩中事牽連謫戍西域

今上親政後

召入歷任閩陝諸制府以母老入都參知政事又以目眚致任
久之乃卒余嘗與公值宿

禁中余以節鉞大員小民熟識私行恐無濟於事公曰吳中

風俗狙詐欲其知吾私行以警衆也余服其言公亦暫修

壩亭續錄

卷二

李廣芸之死

十二

髯偉貌言語雋雅坐談竟日使人忘倦人亦樂與之交

李廣芸之死

李公廣芸

江蘇奉賢人庚戌進士歷任郡縣以廉能稱屢

登薦牘時以爲天下清官第一屢遷至閩藩時汪公

志伊

爲閩制府汪故老吏以布粟起家矯爲廉潔刊小學規範

諸書行世李公素輕之嘗乘新轎入督府汪公訓之曰奢

者必貧君初爲方面大員慎勿美於服飾踏往昔窠臼公

憤然曰芸雖不肖爲

天子大吏稍飾輿服誠不爲過實耻效布被脫粟之平津侯以

欺罔

朝廷也汪公心銜其語會有改教縣令朱履中許公受其陋規及其僕黃元索詐賒錢數百元皆相沿舊規汪公乃露章劾之囑福州守涂以斬羅織其獄涂希汪意私具狀逼公畫諾公不服以斬拍案厲聲詆之日夜鍛鍊不休公怫然入寓懷寃狀自縊死事聞

上命侍郎熙公

昌

王公引之

往鞫其獄聞中士大夫爭伏

欽差寓門以鳴公寃汪公不得已引疾致仕熙王二公乃力反

其獄事聞

嘯亭續錄

卷二

阿爾裨畫

三

上震怒褫汪公及巡撫王紹蘭職涂以斬遣戍黑龍江復

命荷校三月於戍所公寃乃白闕紳復建公詞於省春秋臚饗

以報其德云

阿爾裨畫

舒穆祿武勳王之姪都統公譚泰大兵下江南時曾射江

甯太平門洞其扉後坐事誅其孫少冢宰公阿爾裨幼育

溧陽相公家精繪事以畫虎著名嘗鑿家寶之以比僧繇

龍云又繪西域貢獅圖見紀文達灤陽消夏錄中今於秀

峯主人庭上見公畫鷹怒目炯裂勁刷鋒稜有風雲扶搏

之勢信非他人所可及

國朝別裁集

沈歸愚宗伯選

國朝詩別裁集進呈

御覽

純廟以其去取紕繆

命內廷詞臣更爲刪訂行世然其中猶有未及改者如閩秀畢著
紀事詩乃崇德癸未饒餘親王伐明自薊州入邊其父戰
死故詩有薊邱語非死流寇難也當時悔字未一不妨屬
嘯亭續錄

卷二 國朝別裁集 畫晦

十四

詞憤激歸愚選入已爲失於檢閱而

內廷諸公仍其紕繆此與商輅續編自滁州之戰書明太祖
爲賊兵同一笑柄又黃子雲詩以舒穆祿少宰阿爾禛爲
元人蓋未登朝籍引證或有錯誤而詞臣輩亦沿其失何
其舛也

畫晦

戊寅春雨澤稀少狂風日起浴佛日余結伴遊萬壽寺時
天氣晴和熱甚著單衣猶覺揮汗午後黑雲由東南來風
沙霾暗余卽驅車歸甫入室猶未解衣天頓昏黑室中燃

燭始辨物逾時頃火雲四起天漸明朗而暴風愈甚竟夕乃已亦一異也聞市廛軍馬沸譟路人皆不敢行有老嫗佻儻為風吹斃者又有遺失幼孩者一時傳為怪談云

孫文正取四城

嘗讀孫徵君夏峯集中孫高陽相公承宗行狀載崇禎庚

午收復永平四城頗多偉績以為諛墓之文例多溢美近

讀八旗通志乃知當時

文廟東歸所留守者皆一時智勇如圖雄勇公賴圖果毅公爾格

范文肅公文程及勞薩葉臣等俱在圍中高陽能以新集

甯亭續錄卷二孫文正取四城法時帆諛語十五

烏合之兵力櫻其鋒使諸名將棄城遠去實一時之奇捷

較之韓蘄王大儀鎮岳武穆朱仙鎮之功有過之者明莊

烈帝乃視為泛常僅賸一錦衣指揮後因凌河之役立加

罷斥真賞罰失當矣

法時帆諛語

某司空督學中州好出搭題防勦襲之弊致經文多割裂

法時帆學士惡其行後某復督學楚中往辭法公公多所

獎譽某心喜臨行時時帆送至中庭曰楚中有一故交代

為諉誣可乎某詢其姓氏時帆曰孔孟二夫子著述已千

載詩公勿將其文再行割裂也聞者撫掌

睿忠王致史閣部書

純廟嘗閱睿忠王傳以致明史忠正書未載同札因

命將內閣庫中所存原稿補行載入真

大聖人之用心初不分畛域也嘗聞法時忱言忠王致書乃李舒

章箋捉刀答書為侯朝宗方域之筆二公皆當時文章巨

手故致書察時明理答書義正辭嚴不惟頡頏一時洵足

並傳千古亦賴忠王閣部二人之名節昭著也

洛翰

補亭續錄

卷二

睿忠王致史閣部書

洛翰

六

高廟創業之初有洛翰者本劉姓中原人以傭至遼初給事建州

頗勤儉有勇力

高廟拔為侍衛覺羅某叛夜懷刃入

高廟寢帳公覺以手格之四指皆落卒衛

上出後猶能執銳禦敵

高廟嘉之倚如左右手卒於起義之前故不得預五大臣列今其

裔隸內府聞先恭王言王若霖太史曾為公作行狀手書

鐫以行世惜未觀其本也

侍衛結銜之誤

國朝定制凡

御前朝夕侍側者多

御前侍衛其次曰

乾清門侍衛無論王公武大臣侍衛等皆充之其六班直宿者統名領侍衛府侍衛以分等級近日武進士改充侍衛者門榜皆書

御前侍衛和沿成習實爲僭妄余爲散秩大臣時屢尚侍衛處主事等言之令其回堂飭禁皆以爲不急之務未及更正不知實紊亂官階也近讀錢辛楣詹事所作許提督

肅亭續錄

卷二

魏柏鄉相公

十七

麟
神道碑亦誤書爲

御前侍衛公爲當代考據名家亦未諳

本朝典故何也

魏柏鄉相公

國初名臣二魏公世人多以蔚州爲巨擘今觀二公家乘蔚州初爲馮銓所重雖云座主究係比昵匪人後又以海昌株連罷官及復

召後以撤藩事請誅明米二公蹈袁盎故轍又以地震請誅索相以應災咎亦違宋景之心至吳逆叛時首建招撫之策有

七旬苗格之語幾誤國事尤非大臣之用心至柏鄉相公居諫垣時首劾張縉彥爲明莊烈復仇後屢劾劉正宗陳之遴諸閣臣爲

章廟所引重至請罷吳三桂居滇南一疏尤爲豫測奸謀其要語曰滇黔蜀越地方邊遠今將滿兵遽撤恐一旦有變有鞭長莫及之虞再荆襄爲天下腹心請設滿兵駐防以一重臣督之無事控制邊區以消奸宄窺測之心有事驅除以通四方水陸之道尤爲卓識使當時用其言可無三逆同叛之禍其相業勝蔚州多矣

壘亭續錄

卷二 乾隆初年督撫

六

乾隆初年督撫

純廟初政擢用滿洲諸臣爲封疆大吏極一時之盛若簡儀親王

尹文端公黃文襄公事已具載他如那公蘇圖以武臣起

家歷任七省制軍薨日家無擔石其撫苗一疏豫識末年

紅苗之亂尤爲卓見吳春麓侍御讀其疏嘗謂余曰那公

初無赫赫名乃能深慮至此勝黔督名將多矣時黔督爲

張公廣泗以知兵著也馬公爾泰爲費直義後裔任兩江

閩省諸制府亦以廉謹稱職策公楞爲果毅公裔性剛毅

爲僚屬所怨然識見明敏卒爲世重雅公爾圖明醫理嘗

侍

孝聖憲皇后醫藥為

純廟所倚重任河南撫時亦以廉潔著請罷祀田制府文鏡一疏

世多稱之傅公德清貞剛介談程朱之學為徐文定楊文

定二公所賞任豫撫時前撫臣王士俊以苛酷為民所怨

公下車立更其制歡聲遍野有三月魯治之稱去任時萬

民挽車泣送擁塞閭巷皆不負

上委任之專也

元初人物之盛

肅亭續錄

卷二 元初人物之盛 李御史

十九

卻特氏起自沙漠所用將相如耶律文正楊中令惟中之

相業許文正竇學士默姚文憲樞之文學劉太保秉中之

謀畫商孟陽挺郝伯常經之剛直廉中書弟兄之忠鯁史

丞相天澤伯右相顏之戰功張都統宏範李統制恒阿太

尉求之勇略皆拔出一時者後漸染漓俗尊用國人致使

至元仁政頹敗而喪亡隨之亦自貽伊戚矣

李御史

乾隆初李御史慎修德州人身軀僂偻而敢言

上於上元夜

賜諸王公大臣觀火戲公諫阻之以爲玩物喪志

上喜吟詩公亦諫恐以摘翰有妨政治

上聽其言見

御製詩註中

上嘗召見曰是何渺丈夫乃能直言若此公奏曰臣面陋心善

上大笑又當時以錢貴故諸大臣議變法制公上疏阻之歷舉前

代之政洋洋萬言已豫料近日錢價偏貴之弊矣

滿洲跳神儀合於禘祭

余前考滿洲跳神儀近聞宗老云其南嚮陪祀正中位爲

嘯亭續錄

卷二

滿洲跳神儀合於禘祭自鳴鐘二

祀始祖莫知名者故俗呼神位爲祖宗版良有以也按古

董子曰禘者禘其所自出也禘禮上溯遠祖旁及毀廟與

今滿洲所祀者殊相似然則跳神禮儀實沿古明堂之舊

制矣

自鳴鐘

近日泰西氏所造自鳴鐘表制造奇袤來自粵東士大夫

家置一座以爲玩具

純廟惡其淫巧嘗禁其入貢然至今未能絕也按唐書天文志云

渾天銅儀立木人二於地平其一上置鼓以候刻至一刻

則自擊之其一前置鐘以候辰至一辰亦自擊之皆於櫃中各施輪軸鈎鍵闕鑰交錯相持置於武成殿前以示百官是其製亦有所仿矣

史書氏族

魏收作北魏書所有名公巨卿皆以氏族類序世系釐然至其人無足載者亦必書其官爵有類譜牒誠非史例然拓跋一代世族賴茲以傳今人猶可溯其門第金元二代修史者昧於是例故其傳記躑躅多所遺落致有蘇不台一人二傳之誤見譏於後當時若用魏氏之例烏能屢亂

肅亭續錄

卷二 史書氏族

轉菴和尚

三

至是哉後之修史者所宜知也

轉菴和尚

近讀吳留村遺稿與轉菴和尚書實有裨於史官故詳載其事和尚俗姓孫名旭餘姚人嘗中順治丁酉武科家甚豪富喜施予鄉人感其惠有盜耶甲聚不逞數百人爲閭閻之害邑令不敢撻君慨然曰目覩鄉里受害而不爲球援非人也因選強弓利矢命壯丁負韜夜攻其巢咸射殺之獨邱甲潛逃隱恨刺骨時海禁森嚴君素慕鄭延平知兵嘗謂人曰今之人豪惟海上鄭公耶甲挾蜚語訟諸邑

中邑令亦與君素有隙因誣君通海上置諸獄中君素勇
健夜毀桎踰垣出匿某上舍家久之亡走滇南吳逆叛僞
將軍韓大任招至帳下甚爲賞鑒曰奇男子也大任屢寇
萍鄉爲安親王軍所阻吳逆促其師期大任爽然曰吾竭
力以事吳王何相迫若是之急君聞其語大悅曰此丈夫
報國時也因說大任曰將軍之事吳王已至矣爲之關地
攻城戰無不克數月之間招徠數郡未聞王有尺素之獎
今一旦偶愆師期卽肆意辱詈待以奴隸兵戈方始其慢
士已如此吾恐鐘室之禍復見於君也韓爲色沮會先良

嘯亭續錄

卷二 尊菴雜尚

三

王遣姚制府往招撫大任遲疑未決君復進曰今

大清恢復閩越事業已成吳王之敗在於目睫將軍何尙作見

女之態也大任乃從撫先良王承制表授道銜君慨然曰

吾本

國家赤子不幸陷於非罪不得已逃諸賊藪今得返歸鄉井

復爲

聖世之氓吾志已伸敢以縲囚之軀汚章甫之榮哉因辭職

不受久之雜髮爲僧居杭州侶雲菴號轉菴和尚年八十

餘始述亦奇人也

王奮威

惠定宇精華錄注載王奮威進寶之下保寧賊將據邑不

降公披襟曰何不射我賊衆愕然公因說以順逆賊人開
闢延入井里不驚曰此仁義將軍也近閱唐書馬北平之
下長春賊亦引弓不射王知有降意因令其西拜朝廷賊
人因斬李懷光以降古今名將之相同若此

佛言須彌山

佛經言須彌山高數萬由旬日月繞山週行為峰影所蔽
遂分晝夜其言與歐羅巴之術不同泰西之法因天度地

嘯亭續錄

卷二

王奮威後裔

佛言須彌山

和相

三

以分度數今南北兩極實有徵驗非佛氏荒誕可比蓋經
文盛於六朝其時何承天輩皆言蓋天之術故闍黎輩勸
襲其說未必果出於佛言也貝勒存齋主人永珩言今日
之繙譯經典即如南人學習

國語祇能彷彿大概至其曲轉微妙處終有一間未達真有
識之言

和相後裔

和致齋赫奕一時

賜死後門楣衰替子豐紳殷德號天爵善小詩俊逸可喜尚

和孝公主初

賜貝子品級因父獲罪降散秩大臣中年慕道與方士輩講養生術卒致喘疾號數旬死年未不惑也相公弟制府和琳子名豐紳伊綿號存谷初襲宣勇公嗣降襲其祖廕一等輕車都尉善堪輿貴家爭延致之間有驗者後以癆瘵終惟餘一幼子年甫四齡云

名臣論識

余幼讀邱文莊公言以海運爲必不可復可省國家經費無算後見陳瑄十議乃知明成祖原欲復海運以害多利少肅亨續錄 卷二 名臣論識 以羊運糧 十四

乃罷又以當復肉刑若以髡治罔上以刑治軍旅以刑治盜以劓治貪可歲免死百餘人嘗執此論與韓桂齡司寇辨詰韓莫能答近讀宋臣杜純傳王安石欲復肉刑先議以刑減盜死罪純論曰利慾所在勢莫能遏今以死懼之歲犯刑者猶不減千人若以刑代死罪人知不死犯者益衆是誘民爲非也安石乃罷其議可見古人見識宏遠非吾輩所及也

以羊運糧

乾隆末廓爾喀用兵和制府琳督糧卽以久戰荒微艱於

轉運乃命驅羊負米以濟軍食入服其智按金史承安中
北邊準卜叛命丞相襄征之賊遁路旣遠僉患乏食完
顏安國曰人得一羊可食十餘日不如驅羊以追之襄從
其言遂擒賊首固先有行之者矣

內務府大員

定制內府人員充本府差使不許任部院惟科目出身者
始許與縉紳伍故

國朝百餘年來內府大員罕有勳績可稱惟金恪恭簡自內
府司員進登六卿以勤慎受

肅亭續錄

卷二 內務府大員 董太傅

五

純廟知久銓選諸部云

董太傅

本朝宰輔罕有加真三公者惟馬文穆年大將軍鄂文端
張文和傅文忠五人及身加太保銜加太傅者惟董文恭
一人公爲文恪公子未冠成進士居樞府幾四十年和相
當軸公謙冲自居不爲用

睿廟親政後

寵眷日隆終身無過時人賢之聞有

上賜朝珠價值數萬一旦失去公毫不介意但責有司捕治後知

爲某奴所盜因訓之曰余待汝甚厚何得爲此不肖事使
余逐汝終身無倚矣仍令服役奴感終身公薨以身殉執
此一端足見公度矣

元代稗史

元代稗官雜記自輟耕錄外罕有傳者按宋人頗好著述
一代小說幾至汗牛充棟今流傳尙不下數百種元人沿
其餘習何以毫無一二蓋因記明初事有干犯忌諱者明
太祖惡其直皆聚而焚燬使却特氏一代嘉言懿行盡行
泯滅良可慨歎輟耕錄後出幸存耳

嘯亭續錄

卷二

元代稗史

三元

蘇麻喇姑

三

三元

國朝聲名文物過於前代詞林三元初惟錢湘舲一人嘉慶
庚辰三元陳繼昌廣西臨桂人係文恭公元孫引

見曰

睿廟大喜褒賜文綺

御製詩以紀盛焉

蘇麻喇姑

蘇麻喇姑爲

孝莊文皇后侍女性巧黠

國初衣冠飾樣皆其手製

仁廟幼時賴其誨迪手教國書

宮中甚推重之至康熙壬午始逝以殯禮瘞於

昭西陵側姑性好佛暮年持素終歲不沐浴惟除夕日量爲洗濯仍自飲其水以爲懺悔云

完立媽媽

國俗祀神日於案下設小桌供以糕醅名曰完立媽媽初不知爲何神近聞宗人禮淫司成奕鴻言卽爲明孝定莊皇

后蓋

嘯亭續錄

卷二

完立媽媽

賽諸葛

三七

二祖被禍時李后嘗爲惋惜飭諭李成梁之枉濫故

高廟感其德附祀於明堂云完立者卽萬厯之轉音也禮淫學問博洽又爲近支宗室其言必有所本

賽諸葛

康熙中三逆叛諸將多逗遛不戰擁兵自衛惟護軍統領希公佛累戰有功多以奇謀致勝軍中呼爲賽諸葛庚

申元夜公統兵攻衡州賊將夏國相胡國柱擁重兵守之

公謂衆曰衡州爲吳逆僞都故防禦極嚴若使豫爲治具

則難立克頓丘堅城之下最爲兵家忌不如乘今夜令節

賊疎懈時暗襲此李愬入蔡計也因連夜趨兵抵城下賊
果皆酣飲一鼓下之夏初二賊倉惶跳足遁公撫恤殘黎
湖南諸郡傳檄而定爲南征第一戰功云

吳堡破賊

韓統軍

傑殷

朝鮮忠臣明璉孫也康熙中任正紅旗護軍

統領隨經畧莫洛西征分防延安花馬池副將朱龍旣叛
進攻吳堡公往救之賊營河西公曰不入虎穴焉得虎子
黃河巨浪浸天賊不防我飛渡可出奇致勝也因命偏將
造筏若計日渡者公夜率健卒五百抱馬鬣而涉暗襲賊
壘朱龍倉迫授首三邊底定又於通渭伏羗等處偕張靖
逆勇奏捷後馬文襄公督師面獎公曰君素不識字何以
用兵頓合六韜若此其曾姪孫圖麟爲余言

吳南溪

乾隆初

純廟下詔求言一時臺諫以吳南溪爲最公諱焯歙縣人面鰐黑
寡言笑嘗彈果毅公訥欽爲世所稱曾有保護

聖躬一摺

上切責之

召詢張文和公文和讀疏訖口噴噴稱羨欲於韉中捉物狀
上詢之文和曰臣欲取筆附名於摺尾也

上乃釋然後任口北道捐免民積欠米數萬石所放兵糧皆足斗
斛士卒懷若父母

召擢光祿少卿侍

南書房循王有小過公以大杖責之王哭訴

上曰汝師夏楚良是又何訴為若再犯朕必親責宮中嘗演鳴鳳

記院本

孝聖憲皇后問朝中有如楊繼盛之人否

嘯亭續錄

卷二

陸侍御 泮菴破河逆事

三

上對曰惟吳煒差近之其優寵若此年八十餘無疾而終

陸侍御

陸侍御泮錢塘人已未進士頗骨鯁癸酉之變太監楊進

忠為某貝勒袒庇事已漏網公不平曰本朝閹寺本無威

權何以大吏畏之如虎赫赫天潢反與交結如不與發奚

用御史為乃遣吏邏伺卒得其逆書劾之

詹廟立擢四品京堂其黨銜之次骨卒未能中傷也

泮菴破河逆事

泮菴將軍永芹誠密郡王第三子性直蕙頗識兵機任

乾清門侍衛出戍西域會回逆虜公守危城兵甫百餘人衆
官皆大驚公處之晏然命文吏守城公率卒冒雪夜出漏
下十刻下屬懼公曰賊衆初起人心未定若不一鼓殲之
使蔓延四出封疆可虞今乘黑夜攻之賊不知我衆寡易
撲滅也直抵賊壘聲言北路數萬人至賊驚潰投兵降生
擒逆首某大臣攘爲己功露章劾之

睿廟礪公職賴松相公救免

時帆之儉

法時帆祭酒與余交最篤論天下事頗識款要屢領書局
嘯亭續錄

卷二

時帆之儉

博爾奔察

三十一

考證詳明更正前人錯誤辨論終日鮑雙五笑曰老翁何
認真也性最儉見余書室以紗糊窗責曰何暴殄物力至
此嘗與先生坐談至午出糝食之糖黯若漆而先生食之
甚甘亦可覘其儉矣

博爾奔察

內大臣博爾奔察事

純廟最久從

上南巡見靈巖梅可合抱公拔刃作斫斫狀

上驚問公曰恨其不生於

圓明園而使

上跋涉江湖之險也亦可謂善於諷諫矣

太廟後殿

今遇元旦

聖壽日及告祭諸事惟祭

太廟後殿初不知其故嘗詢諸貝勒某云

列聖神御是日已於

奉先殿告祭故

太廟惟祭

嘯亭續錄

卷二

太廟後殿

鮑雙五選王李詩

三

祀廟後見居易錄載

國初定制初嘗捧

祀廟神主至

奉先殿後以為煩躐始改今制云

鮑雙五選王李詩

自國初諸公尙宋元詩海內奉行幾至家絃戶誦莫不以

何李為偽體初不知嘉隆諸公實得唐賢三昧雖有摹仿

形跡然不失為正宗視樊榭西崖諸家不啻霄壤鮑雙五

司空獨選王李詩四卷皆汰其浮響擇其精采實後學主

臬也

王荆公

宋真宗倡興土木醮禱祠壇將鑿祖太宗所積封樁庫財貨消耗殆盡仁宗咸幣兵餉冗費繁多國幾不能立故王荆公倡新法以助國用幾六十載宋實賴之未可以剛愎累其法嘗與鮑雙五論之雙五不以為然至戲余為紹聖奸黨實未計當時形勢朱子言行錄中以荆公為名臣賢者之篤見也

宋人戰績

肅亭續錄

卷二 王荆公 宋人戰績

三

宋人好誇張戰績韓世忠淮陽之戰僅殺一太乙 不過與周人殺高敖曹相似即矜為中興戰功第一金山之戰乃金人不識水道僥倖成功後終至敗覆况金山寺非鞍馬馳騁之所金梁王紅袍落馬亦近粉飾劉錡守順昌與臧質守盱眙匹宋史鋪張乃爾岳武穆之捨楊么與李臨淮之捨元濟何異唐書寥寥數語即了其事即朱仙鎮之役亦與柳元等入洛相似惟張魏公富平之戰初則極力鏖戰中韓常目幾殆金左翼遇渾敗績賴右翼以遁其事見金史後軍中自驚乃至覆敗故洛宿臨終之言良有所

畏不可因魏公剛愎屢敗致掩其功也

蘇叔黨論田布

斜川集責田布死時何不哀集士卒申明大義誓之以死
或可感悟其心云云殊不知魏博桀黠之習已成痼疾豈
布一二語所能化誨况史憲誠叛布時安知布不反覆開
導終不能從而後發憤自死也此則布之所遇亦可悲矣

明世宗用人

世宗雖委信權奸任意施為然用人之柄不至下移惡楊
升菴終身立斥趙大華誅丁汝襲皆出己意非若宋理度
壘亭績錄

卷二

蘇叔黨論田布

姚中丞

明世宗用人

三

諸君委靡不振故嚴嵩惟知迎合上意以盜國政與劉放
朱昇相似終非秦檜賈似道之可比

姚中丞

姚中丞祖同錢塘人貌岐嶷多智畧直樞庭時草

諭旨萬言皆當

上意任直隸藩司慎筭庫工會計不多蓄奴僕曰滋弊者盡若輩

也籤押皆自視用印州縣候補署篆者皆以彌補虧空之

多寡為補缺先後故人皆踴躍從事嫁女日不用鼓樂暗

送进城曰恐有司聞之饋送嫁資也聞灤州有虧空輕騎

減從自省馳五日至時已昏黑立命秉燭盤查卒得其實
州牧頓首請免公曰吾不効汝何以斃衆卒治罪如律

商太醫

商院判

景鵲

浙江人文毅公十世孫工醫學多奇效余嘗

鼻衄出血數升公曰腎脈未絕尙可治責參數兩飲之立
愈性直蕙撫諸弱弟甚友睦所蓄醫金盡爲弟用殊不較
也供奉

大內數十年不泄

禁中事有詢之者惟曰

嘯亭續錄

卷二

商太醫

王文僖

三十四

聖躬萬安而已有某太醫性便佞好與藩邸交接公立劾罷曰
是人心術不純不可侍

上左右

睿廟然之立加五品秩以示寵

王文僖

王文僖

懿修

青陽人立朝四十年持躬謙抑從不與人相

忤嘗入朝每過門必謙讓許久成哲王厭其煩曰此

朝廷政門非先生居室中無容久遜皆大笑任學政時每封
事必檢閱數日始拜發一日拜摺後偶憶其中落一字大

註曰吾命休矣終日懨懨無人色逮

批眉迴後神氣始定

古今史闕

古史闕遺夏商以上無論矣周末自麟經絕筆後至蘇張
游說中間一百四十四年史簡遺闕無以詳其梗概唐末
經黃巢之亂宣懿二宗實錄焚燬故中葉三十餘年事多
亡失宋哲宗七年政績因朱墨屢經更改多漫漶無稽
金衛紹王記注焚燬今所存者惟楊雲翼日錄四十餘條
元順帝明惠宗皆無實錄故本紀多舛錯至宋元二史皆
曠亭續錄

卷二

古今史闕

吳穀人

三

憑碑版著述時多溢美明初經太祖自定任意增減不足
以存信也

吳穀人

吳穀人先生性爽潤修髯偉貌類市繪鍾離權像詩宗樊
榭而清暢過之駢體兼唐宋之長五言排律格律精嚴筆
意秀勁爲古今絕作嘗館阿文成公宅授那繹堂彥成尙
書讀師範嚴肅杜絕權要故徬佯詞苑二十餘年始至祭
酒先生曰得爲國子宗師吾願足矣卽日請假歸人爭美

之

